

Pangulong Dieter F. Uchtdorf

Ika-duhang Manuglaygay
sa Unang Panguluhan



Paghugpa sing Luwas sa Kaundag

Wala pa madugayi, ako kag ang akon asawa nga si Harriet yara sa airport nagatan-aw sang matahum nga mga eroplano nga nagahugpa. Isa yadto ka mahangin nga adlaw, kag ang mamadlos nga dapya sang hangin naghampak sang nagapalapit nga eroplano, nga nagsablang-balang kag nagpakudog-kudog sang tagsa sini sa ila paghilapit.

Samtang amon ginalantaw ang paindis-indis sa tunga sang natura kag makina, nadumduman ko ang akon kaugalingon nga inagihan sa paghanas sa pagpalupad kag ang mga prinsipyo nga akon natun-an didto—kag sa ulihi gintudlo sa iban nga mga piloto sa paghanas sa ila.

“Indi pag batui ang mga kontrol sang eroplano sa tion sang kaundag,” masami ko sadto nga ginahambal sa ila. “Magkalma ; indi magsala. Ituon ang imo mga mata sa linya sa tunga sang hulugpaan. Kon maglihis ka sa imo luyag nga alagyan sa paghugpa, maghimo sang maabtik pero nakalkula nga mga pagliwat. Magsalig sa ikasarang sang imo eroplano. Agwantaha ang kaundag.”

Ang eksperiyensyo nga mga piloto nakahangop nga indi nila makontrolar sa tanan nga oras ang mga nagakalatabo sa ila palibot. Indi nila basta-basta na lang dulaon ang kaundag. Indi nila mahimo nga dulaon ang ulan ukon niebe. Indi nila mapauntat ang paghuyop sang hangin ukon pagbaylo sang direksyon sini.

Apang ila nahangpan nga sala ang mahadlok sa kaundag ukon sa mabaskog nga mga hangin—kag ilabi na gid nga maparalisa sa ila. Ang pamaagi sa paghugpa sing luwas kon ang sitwasyon daw indi gid maayo amo ang pagpabilin sa husto nga alagyan kag banas sa pagdaos-dos sa pinakamaayo nga masarangan.

Samtang akon ginatan-aw ang sunodsunod nga paghugpa sang mga eroplano nadumduman ko ang mga prinsipyo nga akon natun-an sa akon mga tinuig bilang isa ka piloto, kag ginbinag-binag ko kon may yara man bala sing leksyon sa sini para sa aton adlaw-adlaw nga mga kabuhi.

Indi naton pirme makontrolar ang mga pagtilaw nga nagaabot sa aton kabuhi. Kon kaisa ang mga butang wala nagaugyon sa aton. Mahimo nga aton mabatyagan nga ginauyog kita kag nagabalang-balang tungod sang kaundag sang mga pagkadismaya, pagpangduhaduha, kahadlok, kasubo, ukon pagkabalaka.

Sa sinang mga panahon, madali ang mabuyo sa tanan nga nagakalatabo nga indi maayo kag itutok ang aton mga panghunahuna sa aton mga palaligban. Ang pagsulay amo ang magtutok sa mga pagtilaw nga aton ginaatubang sa baylo nga sa Manluluwas kag sa aton panaksihon sang kamatuoran.

Apang indi ina ang pinakamaayo nga paagi sa paglampa-was sa aton mga hangkat sa kabuhi.

Pareho sang eksperiyensyo nga piloto nga nagatutok indi sa bagyo kundi sa sentro sang hulugpaan kag sa insakto nga punto sa paghugpa, gani kita man dapat magpabilin nga nakatutok sa sentro sang aton pagtuo—sa aton Manluluwas, sa Iya ebanghelyo, kag sa plano sang aton Amay nga Langitnon—kag sa aton pinakamataas nga lalab-utan—ang magbalik nga luwas sa aton diosnon nga destinasyon. Dapat kita magsalig sa Dios kag himuong ang pagpabilin sa dalan sang pagka-disipulo nga sentro sang aton mga pagpaninguha. Dapat naton ipabilin ang aton mga mata, tagipusuon, kag hunahuna nga nakatutok sa pagpanigabuhi sa pamaagi nga aton nahibaloon nga nagakadapat.

Ang pagpaktan sang aton pagtuo kag pagsalig sa Amay nga Langitnon paagi sa malipayon nga pagtuman sang Iya mga kasuguan magadala sa aton sing kalipayan kag himaya. Kag kon magapabilin kita sa alagyan, malampu-wasan naton ang anuman nga kaundag—wala'y sapayan kon daw ano man ini kabaskog sa imo panan-aw—kag makabalik nga luwas sa aton langitnon nga puluy-an.

Maathag man ukon puno sang makahaladlok nga mga panganod ang mga kalangitan sa aton palibot, bilang mga disipulo ni Jesucristo aton una nga pangitaon ang ginharian sang Dios kag ang Iya nga pagkamatarong, nga nakahibalo nga kon aton ini himuong, ang tanan nga iban pa naton nga kinahanglanon sa ulihi igatigana sa aton (tan-awa sa Mateo 6:33).

Dawano kaimportante nga leksyon sa kabuhi!

Sa sobra naton nga pagtutok sa aton mga kabudlayan, sa aton mga paghimud-os, aton mga pagpangduhaduha, kag aton mga kahadlok, mas nagabudlay na gid ang mga bagay-bagay. Apang sa mas maukod naton nga pagtutok sa aton pinakadiosnon nga destinasyon kag sa kalipayan sa pagsunod sa dalan sang pagka-disipulo—pagpalangga sa Dios—pag-alagad sa kaingod—mas daku ang tsansa nga kita mangin madinalag-on sa pagpadayon sa mga tinion sang kagamo kag kaundag.

Pinalangga ko nga mga abyans, bisan ano pa man kamadlus ang paghagunos sa aton palibot sang mga hangin sang aton dutan-on nga pagsinalayo, ang ebanghelyo ni Jesucristo padayon nga magatanyag sang pinakamaayo nga paagi sa luwas nga paghugpa sa ginharian sang aton Langitnon nga Amay.

PAGTUDLO GIKAN SA SINING MENSAHE

Si Pangulong Uchtdorf naglaygay sa aton sa pag-“salig sa Dios kag sa paghimo sang pagpabilin sa dalan sang pagka-disipulo nga sentro sang aton mga pagpaninguha.” Binagbinaga ang pagpamangkot sa inyo ginatudloa kon paano sila nagpabilin nga nakatutok “sa aton katapusan nga destinasyon kag sa mga kalipay sa pagsunod sa dalan sang pagka-disipulo” sa mga tinion nga nag-atubang sila sang mga pagtilaw. Mahimo ninyo sila agdahon sa paghunahuna sang mga pamaagi nga sila makatutok sa ila panaksihon kag kay Cristo sa mabudlay nga mga tinion kag sa mapinangamuyuong nga pagpamat-od kon paano idapat ang isa ukon masobra pa sinang mga ideya sa ila mga kabuhi.

LAMHARON

Pundasyon para sa Akon Panaksihon

Ni Jennifer Weaver

Sang ako nagaedad sang 16 anyos, isa ka abyan ang nagkadto sa amon puluy-an upod ang mga misynero. Sa sulod sang isa ka bulan nga paghinambalanay, ang tanan ko nga mga pamangkot nasabat sing maathag. Akon nabatyagan nga ang Balaan nga Espiritu nagasaksi sa kamatuoran sang mga mensahe parte sa Pagpanumbalik. Isa yadto ka kinatuhay sa ano pa man nga akon nabatyagan, kag nakahibalo ako nga ang tanan nga ato matuod.

Ugaling, akon naeksperiyyahan ang mas labi nga pagsikway kag oposisyon sa ano pa man nga tion. Akon nabatyagan ang pag-isahanon, kakapoy, kag pagkatublag. Kon akon ginahimo ang husto nga butang, ngaa nga nagapangatubang ako sang madamo nga kalis-danan? Indi ko mahangpan kon paano ang akon mga pagtilaw nangin para sa akon kaayuhan. Gintudloan ako sang mga misyonero nga magpuasa kag magpangamuyo. Kon ang mga bagay-bagay daw indi ko na mabatas akon ginapabutyag ang akon balatyagon kag sa gilayon mabatyagan ang pagpaumpaw sang Espiritu.

Ang semana sang akon bunyag napuno sang mga pagtilaw. Ginpahog ako sang akon boss nga pahalinon kon indi ko paglikawan ang akon bunyag para magtal-os sa isa ka employado, naospital ako tungod sa bato sa kidney, kag ginhambalan ako sang akon ginkanan nga magbiya sa amon puluy-an. Sa madamo nga mga butang nga wala ako sing kontrol, ang akon gid lang mahimo amo ang magdangop sa Ginuo.

Ang tagsa sadtong akon mga pagtilaw *nag-gwa* nga nangin para sa akon benepisyos. Ginbuligan nila ako nga matun-an ang parte sa mga doktrina sang ebanghelyo, nga naghatag sa akon sing pundasyon para sa akon panaksihon.

Ang tagsulat nagaistar sa Idaho, Estados Unidos sang Amerika.



Ang Pag-asawahay Gintangdo sang Dios

Tun-i sing mainampuon ining materyal kag magpangamuyo agud mahibaloan kon ano ang tpaambit. Paano ang paghangop sang “Ang Panimalay: Isa ka Proklamasyon sa Kalibutan” makapadugang sang inyo pagtuo sa Dios kag magabugay sa ila nga inyo ginabantayan paagi sa visiting teaching? Para sa dugang nga impormasyon, maglog-on sa reliefsonly.org.

Ang mga propeta, mga apostoles, akag mga lideres nagapadayon sa sincero nga pag-“proklamar” nga ang pag-asawahay sa tunga sang isa ka lalaki kag isa ka babayi ginmando sang Dios kag nga ang panimalay labing importante sa plano sang Tagtuga.¹

Si Elder D. Todd Christofferson sang Korum sang Napulo’g Duha ka mga Apostoles nagsiling: “Ang panimalay nga natukod sa ginkasal nga isa ka lalaki kag babayi nagadulot sang pinakamaayo nga kahimtagan para sa plano sang Dios nga magpadayon. . . .

“. . . Indi kita o bisa sin-o man nga mortal ang sarang makaliwat sining diosnon nga sugo sang pagpaket.”²

Si Bonnie L. Oscarson, pangkabilugan nga pangulo sang Young Women, nagsiling: “Ang tanan, wala’y sapayan kon ano man ang ila sirkumstansya sa kasal ukon kadamuon sang kabataan, mangin taga-depensa sang plano sang Dios nga ginlarawan sa proklamasyon sang panimalay. Kon iya ina plano sang Gimuo, dapat aton man ina nga plano!”³

Si Elder Christofferson nagpadyon: Ang iban sa inyo wala maha-tagan sang bugay sang pagpaket bangud sa mga rason nga nagalakip sang kakulangan sang nagasantu nga mapamana ukon mapangasawa, ang pagkabihag sa kasubong

nga kinatawo, mga kasablagan sa lawas ukon hunahuna, ukon tungod lang gid sa kahadlok nga mapaslawan. . . . Ukon ayhan nagpamana ukon nagpangasawa kamo apang ina nga pagpamana ukon pagpangasawa nagtapos na. . . . Ang iban sa inyo nakapamana na apang indi makapanganak. . . .

“Bisan pa, . . . ang tanan makabu lig sa nagalapnag nga diosnon nga plano sa tagsa ka henerasyon.”⁴

Dugang nga Balaan nga mga Kasulatan

Genesis 2:18–24; 1 Mga Taga-Corinto 11:11; Doctrine and Covenants 49:15–17

Mga Buhi nga Sugilanon

Si Brother Larry M. Gibson, anay unang manuglaygay sa pangkabilugan nga panguluhan sang Young Men, nakahinumdum sang si Shirley, nga subong iya asawa, nagsiling:

“Palangga ko ikaw tungod na-kahibalo ako nga mas palangga mo ang Ginuo sangsa akon.’ . . .

“Ina nga sabat nag-igo sang akon tagipusuon. . . .

“. . . [Kag] luyag ko nga pirme niya mabatyagan nga palangga ko ang Ginuo labaw sangsa tanan nga iban pa.”⁵

Si Elder David A. Bednar sang Korum sang Napulo’g Duha ka

mga Apostoles nagpanudlo: “Ang Ginuong Jesucristo amo ang pinakasentro sa kaangtanhan sang pag-asawahay sa sulod sang kasugtan. . . . [Huna-hunaa ngal] ang Manluluwas yara sa pinakatuktuk sang isa ka triangulo, nga may isa ka babayi sa idalom sang isa ka kanto kag isa ka lalaki sa idalon sang pihak nga kanto. Karon binagbinaga kon ano ang matabo sa kaangtanhan sa tunga sang lalaki kag babayi samtang ang tagsa sa ila padayon nga ‘nagapalapit kay Cristo’ kag nagatinguhua nga ‘mahimpit sa Iya’ (Moroni 10:32). Tungod sa kag paagi sa Manunubos, ang lalaki kag ang babayi mas nagalapit sa isa kag isa.”⁶

MGA TANDA

1. “Ang Panimalay: Isa ka Proklamasyon sa Kalibutan,” *Liahona*, Nob. 2010, 129.
2. D. Todd Christofferson, “Why Marriage, Why Family,” *Liahona*, Mayo 2015, 52.
3. Bonnie L. Oscarson, “Defenders of the Family Proclamation,” *Liahona*, Mayo 2015, 15.
4. D. Todd Christofferson, “Why Marriage, Why Family,” 52.
5. Larry M. Gibson, “Fulfilling Our Eternal Destiny,” *Ensign*, Feb. 2015, 21–22.
6. David A. Bednar, “Marriage Is Essential to His Eternal Plan,” *Liahona*, Hunyo 2006, 54

Binagbinaga Iní

Paano ako sa akon kaugalingon makapadayon sa “pagkari kay Cristo”?